

5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

11  
354

梅莊遺稿

清永元子郎編

始







# 梅莊遺稿

北勢有朋館

題詞



與君隔世恒寧乘  
細校遺編多貴浩  
海煙波淡蒼林  
溪花月空吟懷書  
琴腹留楚既北詩



梅莊遺稿



性靈表簡高。方後如  
益服安。酒和醴不負  
好生涯

大正三年杪冬

梅風服報



梅莊遺稿

清水成美著

讀朝鮮併合紀事


神后下種子。培之有豐公。今也遇成熟。可知化育功。驅  
除鳥雀厄。幸得收庫中。寄語新兄弟。須與水魚同。

九月卅日冒雨集吞景樓。社友多不至。得無字。

樓面屏風繞。描成雨景圖。雲煙濃又淡。城邑有如無。詩  
乏驚人句。友多乖約徒。秋筵一杯酒。聊以足相娛。

村夜

華山霞外曰上下二千歲之事假  
譬輕々叙去何等手腕一結貼題  
終見本意





霞外曰冲淡自然

漁村沿海北連南。風習看他陰曆譜。爭拜新蟾眉樣影。女兒能紀月初三。

霞外曰五六精鍊

十一月十一日遊罄宜園

此日雷雨俄至前半故及

酌吟苔蘚上。雷雨忽然斜。移去林間席。煩來路畔家。楓誇天染色。菊瘦野生花。又喜重逢霽。夕陽明晚霞。

辨圓發心圖

煩惱菩提體不分。從他心緒亂紛紛。稻田村裏孤庵月。照破板敷山畔雲。

瑞應精舍小集

十一月廿三日

寺門幽且靜。盡日若栖林。唯覺人情淡。不知禪味深。秋

服部擔風曰前聯接武王孟霞外曰唯覺十字高古簡淡章孟

遺著

龕隔楓小。暮磬入雲沈。頻弄兔園冊。堪慙陷苦吟。

閑居元日

明治十四年

閑居亦是遇佳辰。六十七齡衰老身。自笑未臻真隱域。閉門故避拜年人。

寒月照梅花

御題五首節三

淡粧兼素服。深夜月中看。氣被梅花奪。令人不覺寒。影帶暗香敷。花含清艷笑。梅邊月色多。寒月有私照。偶入勅題去。終蒙宸眷來。天顏纔咫尺。恩幸月中梅。

菜花

懶登商擔媚都門。淡淡悠悠老野村。遍地華氈人欲坐。

擔風曰前聯形容極佳後聯流水



滿田黃雪蝶追暄。書燈一穗供吾讀。夜學十年沾汝恩。化作膏油常照闇。誰知餘澤溢乾坤。

本願寺修宗祖大師遠忌法會。佐藤秀教列之需詩。書此以應。

聞名教法万邦傳。難度海中弘誓船。石枕雪衾爲故事。春風六百五十年。

空中飛行船

縱橫航路向空開。權去風雲自在哉。疑是天門中斷地。孤帆今亦日邊來。

哭日野梅溪

明治四十四年三月十四日逝年五十

擔風曰化陳作新者

擔風曰後聯推獎具至中有悲痛之意

擔風曰孔門大谷取對自在

豈啻平生詩酒娛。津梁不倦度門徒。穢邦棄我迷先轉。吟社失君光欲無。滿腹有書空化土。等身遺稿總成珠。音容彷彿真耶夢。曉榻照愁殘燭孤。

次佐々木浩然晋山述懷韻却贈

古人誰是擬君儔。鮮欲寡言蘇子由。說法堂深月明夜。讀書窓靜雨聲秋。探來蘊奧孔門學。窮盡淵源大谷流。詩境自然風趣足。可知心意與天悠。

將曉

隔竹依稀松火紅。煎茶先我有隣翁。天如未曉如將曉。寺寺鐘聲烟雨濛。



東山雅集七月十日得山字。偶在京花山霞外遙寄

示五古一篇。詩中故及。

青松隔座似仙寰。浴客從他往又還。奪暑瀑聲衝屋後。  
含涼秋色入窓間。談因離俗醉魂爽。詩不競工吟意閒。  
為是佳篇照筵席。眼前幻出洛東山。

十一月十七日。同石垣寅吉齋藤庄入。携酒訪笠  
間教道。不遇。楓下吟酌。留一詩為謝。

咎不不速友三人。來叩寺門秋暮辰。楓色鮮妍松讓畔。  
苔痕幽靜石為隣。禪牀今日奈無主。吟榻斯時總作賓。  
再會難期霜葉美。聊傾瓢酒待君頻。

擔風曰後聯宋調

霞外曰擊壤遺意

擔風曰後聯的確

秋晴散策

行雁穿雲影自幽。西風一路傍寒流。剩楓餘柳旗亭寂。  
却是詩人得意秋。

明治四十五年新年作

年新都鄙見春温。不似隣邦雲霧昏。誰識昇平 皇德  
洽。如無恩處是多恩。

賀司教清原博士古稀

鵝溪龍岳接園池。花月交加幽味知。義理分明說經處。  
言談懇切度人時。世雖五濁離生死。齡及七旬忘老衰。  
身在慈光常照裏。家庭日夜惠風吹。



霞外曰一筆掃酒氣味殊道

早梅

逶、巡、豈、伍、衆、梅、中。進、取、如、斯、氣、象、雄。二、十、四、番、花、信、在。  
先、登、不、待、一、番、風。

小野道風

能書自古法家多。草筆如公誰得過。二絕可知遭帝重。  
災餘尋疏不尋他。

旭川先生七回忌敬奠

不接溫顏七歲過。焚香獻去謝恩歌。賢兒亦作黃泉客。  
愁比前年一段多。

謁遠慶院諦勵墓

擔風曰前聯甌北佳對

霞外曰遠慶院者日野梅溪諡號  
旭川先生冢子也出嗣舅氏爲余  
親朋頗工詩惜夫今則亡前閱哭  
詩復讀此篇掩卷泫然久之

信得法燈真意明。可知煩惱自然輕。七千卷滿新經藏。  
十。四。世。傳。名。梵。城。墳。墓。供。花。寒。蝶。到。松。楸。欲。暮。亂。鴉。鳴。  
忽思臨末好詩句。暗淚添來無限情。

前執行松原老田

名深

華甲壽言

身神多事半生涯。老後優遊花與詩。法海勳功十年迹。  
財團勞苦百秋基。亢。龍。有。悔。常。爲。戒。倦。鳥。知。還。不。失。時。  
頌壽何唯華甲子。古稀米字復奚疑。

寄題服部擔風藍亭

明、窓、淨、几、日、清、談。長、者、停、車、豈、兩、三。里、俗、都、淳、教、能、化。  
圖、書、無、用、讀、皆、諳。一、枝、健、筆、趙、甌、北。萬、首、名、詩、陸、劍、南。

擔風曰五六二語頌中寓規

擔風曰梅莊君北勢高士實爲大  
賀旭川翁入室弟子曩著梅莊詩  
鈔二卷名馳遐邇頃者適相見於  
佩蘭席間氣貌蘊藉使人愈深傾



倒茲詩亦係當時所贈句句溢美固非余之所可當也然運心之細造語之工實在意表焉得不唱歎乎

西蜀佳亭斯勝少。大江沿墅綠於藍。

敗筆

穎公未葉姓元毛。貴賤齊交氣品高。老退休言無賞賜。秦家以後不酬勞。

新年小集

新年試吟酌。依例會僧房。梅氣吹將白。柳眉伸稍黃。醉遲非酒薄。醒早為寒強。短晷關心處。詩情故覺長。

龜

芳草春泥暖作茵。優遊曳尾任天真。性如癡鈍智神異。占斷吉凶能告人。

擔風曰平易如話

竹陰待渡

渡頭一憩且貪涼。翠竹沿流蔭午塘。偶爾相逢遠方客。立談不覺待舟長。

梅花

東風得意破花脣。素影清芬一段新。弗許春媒嫁騷客。吾元林氏未亡人。

豆名月

俳諧題

影比中秋果若何。今宵亦是好嫦娥。中秋供芋今宵豆。邦俗元來兒戲多。

十一月廿日離亭會友社友多不至

霞外曰樸直亦可以觀風擔風曰如俗而不俗



冬色休相詈。蕭條自有姿。新蔬寒雨後。殘葉夕陽時。座  
廣三人友。才貧一首詩。臨歸約來會。懇道勿愆期。

乃木將軍

眼中有帝無自己。忠魂凝結為殉死。寄語六千万臣民。  
須學將軍心膽美。楠公死是千古忠。死因不與將軍同。  
平時死難戰時易。一死或不讓楠公。

除日書感

三十六旬容易過。隱栖日月亦如梭。笑吾家計都無管。  
忘分偏憂國債多。

大正二年元日

霞外曰語淡而意切宛得忠厚之旨

齡近古稀身健康。今朝正賦太平章。至仁四海新天子。  
遺德万秋先帝皇。纔有兒童戲村巷。又無松竹映門牆。  
一杯不試屠蘇興。諒闇時期未到央。

雪中待春

柳絮蘆花將玉塵。衝寒掠亂舞穹旻。溪山傳粉風煙變。  
蔬菜埋青園圃新。不速自來唯有雪。相後未到奈何春。  
即時一盞雖催興。懶喚扁舟訪友人。

恭謁桃山陵

拜得新陵暗淚浮。禽聲樹影帶餘愁。欲將聖德比山海。  
海。是如池山似邱。

霞外曰典重得鮮

霞外曰虛字旋轉筆端有轆轤



即景得風字

春分節近似冬空。山色依然冰雪中。時有梅花爲一笑。寒風即覺是東風。

吾昔

吾昔志于學。竊期文壇雄。黽勉忘寢食。几邊學蠹蟲。鷄聲和曉誦。夜讀一燈紅。不訪青旗店。不探花又楓。凡才焉能測。學路奈濛濛。爾來幾十載。宿志終相空。頭童而齒豁。徒爲田舍翁。賴遭慧日照。身在光明中。

田家

都人常道羨田園。處世由來不覺煩。可見陶唐餘澤遠。

擔風曰敘情自在  
霞外曰自叙平生言々真樸結語  
最深厚的是作者本色

擔風曰三四不落理路故佳

一犁春雨菜花村。

吾徒逸樂

快哉昨雨十分晴。山色青青洗得清。新水吞餘早蛙響。殘雲吐出曉鷗聲。一杯之酒即時酌。二頃有田隨意耕。僻境由來多樂地。樓前風月值連城。

對酒

南風送殘雨。涼味溢幽庭。石瘦苔痕合。窓深竹氣青。窺隣憐畢卓。欺婦笑劉伶。追憶古人迹。悠悠對酒瓶。

牡丹

群芳辟易只空歎。濃艷如珠潤不乾。國色乘晴滿庭暖。

擔風曰誦一盃二頃十四字想見作者襟抱  
霞外曰後聯故作放曠之語而律法甚細正見作者用意

擔風曰前聯秀而韵

霞外曰辭旨典麗非此不稱此花



名。花。帶。雨。半。簾。寒。時。思。粧。鏡。臺。前。飲。又。感。沈。香。亭。北。看。  
唐代繁華為夢去。絕無比翼倚欄干。

遊嵐山

俗駕不來新綠宜。嵐山牽杖在斯時。年年遊賞吟材盡。  
今日奚囊無一詩。

望東山

嵐氣氤氳樹色勾。東山風趣一番新。詩思借得古俳句。  
恰是蒲團橫臥人。

國林

唯使士風美。錦心而鐵腸。開邦因諾冊。傳統異虞唐。天

推風日開邦十字植旨正大

霞外日遊覽往々有此事叙來多  
少感慨

祖萬秋遠。神孫一系長。肇基忠與孝。元是富強方。

菰山飲壽亭

六月十八日

鹿湯一浴酒杯間。思得前年遊此間。樓主黃泉樓婢代。  
舊知誰是有青山。

所見

牽牛種得小堂東。日日相窺初吐紅。培養苦辛花不識。  
出牆一笑媚隣翁。

溪橋立晴

涼風拂袖暑威虛。佇立橋頭斜日初。人影落溪人不識。  
波間驚散一群魚。

霞外日巧緻



七月十九日和氣堂中上社務所小集會者六人

三旬不知雨。爭水幾村村。山有秀靈色。田無旱魃痕。涼風溢祠域。暑氣避神園。六逸竹溪興。吟筵忘世煩。

醉歸

微醉吟情迸。風煙儘弄嘲。歸來門未鎖。月下不勞敲。

舟中對月

涼氣吹人江雨晴。扁舟一葉與鷗輕。今宵元是尋常月。唯照金波別樣明。

酌酒與婦飲

對酌幽閨底。傳杯古史論。庭燈寒影瘦。窓竹夜陰昏。蘇

霞外曰好典故信手拈拾

婦。曾。藏。酒。劉。妻。忽。毀。樽。二人雖事異。共有至誠存。

山家留客

山色冥濛莫日歸。北風慘慄凍雲飛。腰瓢縱足防寒氣。一路沿溪雪撲衣。

某見問余園中之事賦此代柬

山村元是富煙霞。况又孤蹊足用車。頃日待人何啻我。東籬一笑有黃花。

冬夜

聒聒蕭蕭拍岸波。又無啞軋艫聲過。遠灣燈火星星動。濛雨寒雲夜色多。

霞外曰筆舌並下尤覺自在



閒日

閒中易疎懶。盡日閉門居。雖幸然無事。終空不讀書。窓明寒雨後。苔綠夕陽初。時涉庭園處。悠悠意自舒。

大正三年元日

衣巾依例與年新。狗吠鷄鳴報令辰。非欲長生非欲死。無心相遇古稀春。

新年雅會

寒綠松無恙。柔風柳不勞。唯吾一愚老。滿座盡賢豪。金谷罰觴少。蘭亭會趣高。惡詩纔塞責。自笑首頻搔。

賀岩田砂溪古稀

佐々木伴山曰轉結足見老練之功無心二字價万金感服敬服霞外曰意態自然真有道者之言擔風曰後半長者之言

擔風曰以五字織穠品柳詩予未能

擔風曰頸聯鍾煉具至

懶臨塵海釣榮華。唯貯胸間書五車。秋水春山名所酒。園風庭雨異邦花。取洋舍漢醫先達。咀宋嚼唐詩一家。七十年来忘苦樂。高生涯又淡生涯。

賀佐佐木伴山七十初度

說法唸詩妙入神。歸依豈啻一鄉人。家家花卉為君植。戶戶菜蔬齋寺新。五字織穠柳流亞。長篇豪放李分身。杖唯杖國常無用。山水縱橫儘訪春。

七十自述

古稀顧跡夢茫茫。唯記煙霞惱肺腸。處世理財無一務。灌花培樹更多忙。昇平莫漫貪安逸。衰老豈能醫健忘。



法味茶香餘樂遠。何時去此向西方。

二河白道圖

可仰二尊慈愛深。從他水火猛然侵。河間細路休回顧。畢竟斯行在一心。

高柳途中

沿流落落兩三家。麥秀離々映白沙。一路東風香不斷。梅花過盡又梅花。

梅溪

香雲不動瘞人家。唯漏溪亭旗影斜。痼疾由來不醫得。春寒曳杖為梅花。

霞外曰風神高遠  
擔風曰語不涉理路輕妙入誦

題硯

曾出端溪來几邊。陳玄毛穎有深緣。俄然一躍池中物。捲起雲煙走紙田。

深山逢古村

古村圍繞幾山巒。來往難於蜀道難。衣食門園皆舊式。行人却作斬新看。

小宅

假領隣園竹。伐除窻外桃。家元因愛窄。帚只欲無勞。禹闕何其小。堯堦亦不高。隱人環堵室。奢比帝王豪。

古重三遊海邊

擔風曰亦寓言十九之類歟



擔風日託諷微婉

堤桃岸柳白沙平。士女為群幾處聲。陰曆重三古佳節。陽春無二好新晴。山遭雲碎山身動。風被花吹風路明。今日殊甘旗店酒。蛤蜊或炙相烹。

贈燕

得意飛飛桃李春。芳泥舍去繕巢新。憐君有不世情處。甘訪故栖貧主人。

春曙

前宵雨歇曉夢夢。孤杖徘徊西又東。茅舍花封人未起。殘蟾照夢影朦朧。

山居夏日

得鐘字

擔風日無字無來歷非書卷填胸者焉能如此

蒼翠而如滴。一簾山色濃。寺高危破塔。雲湧失疎鐘。幽室足容膝。古書須灌胸。三杯餘樂在。塵俗本無蹤。郭熙書山

水論曰春山淡冶而如笑夏山蒼翠而如滴秋山明淨而如洗冬山慘淡而如睡

黑百合花

黑宮白石需

薰風一庭黑。微笑放香時。謙遜花低首。吾人好作師。

煮菜

蔬菜侑杯風味嘉。莫隨流俗試豪華。請看質素德川世。醺飲燒芹侯伯家。

園菊正荒不堪看慨然為咏

姿似野生花僅黃。西風將冷小園荒。栽培不足瘦無力。



雨撲東籬狼藉香。

東都漫吟

或南或北幾回巡。巨剎舊園秋色新。再度相逢始交語。前時一見未言人。芝公園

滿山人影幾千重。花氣濛濛春色濃。有友離群不尋得。

青旗颺處偶然逢。上野公園

墨江北去境幽哉。况又菖蒲萬種開。為洗塵埃喧鬧熱。

都人往往托花來。堀切村菖蒲

天女祠邊蟋蟀啼。柳枯荷折晚煙迷。殘粧亦有非凡趣。

果是星翁舊隱栖。湖樓所見

霞外曰善寫難寫老筆老筆

擔風曰語意凄絕

把筆三思難作歌。前人道盡又如何。同工異曲詩千首。

大抵吟材荷柳多。題湖亭壁

義士墓邊來往頻。終令淨境染紅塵。何心訪寺幾多客。

不拜佛陀唯弔人。泉岳寺

目黑村頭晚照殘。紅楓漏寺葉聲乾。當年本事無人說。

比翼冢荒秋草寒。

蛤蜊隨處可相探。芝浦徜徉興味酣。正是春風好時節。

桃花雨歇古重三。

道灌山頭遠望新。俄然雷雨襲來頻。天公惡戲果何意。

昨困英雄今隱人。道灌山遇雨憶道灌事蹟



酒旗幾處逐人呼。上野隅田春不孤。花事未央鄉信至。東風割愛出東都。

大正四年元日

歲初天地藹然新。民氣揚揚戰後春。吾及金婚雖可喜。既為陶犬瓦鷄人。

喜雪

滿郊晴雪瑞氛濃。豐兆如斯誰想凶。新句拾來珠玉字。詩人收穫不輸農。

塙保己一講書圖

雙眼雖盲却慧如。舌耕不輟燭消初。便便腹是五經笥。

間却牀頭千卷書。

發願

宿善今為發願媒。無明黑闇一時開。花雖忽笑非花力。風雨百方相促來。風雨况釋迦彌陀二尊

春遊示人

昨雨餘寒去。東風杖出城。梅花店旗暖。麥色蝶翎晴。呼酒外無用。對茶如薄情。吟遊春正好。何幸醉昇平。

野步

殘梅時有暗香通。孤杖過橋西復東。芳草和煙青漠漠。牛羊食足偃春風。

霞外曰前半落々抒寫自然佳妙惜五六俚甚

霞外曰自是太平之韻



某氏果樹園

果樹餽口好生涯。似勝尋常農事家。半是風流半經濟。滿簾春色種桃花。

新鮎

身生溪水委漁郎。上膳時時侑酒觴。定是落花風裏獲。一番新味齒牙香。

吾廬

吾愛吾廬師聖賢。讀書餘暇臥窓前。溪山果是何人有。買斷風煙不用錢。

靜夜

擔風曰後半風韻獨絕

擔風曰漸近自然

酒渴思茶夢醒時。孤燈影暗照書帷。芭蕉伐盡今無迹。夜雨窓前聲不知。

初夏雨中

新樹山肥處。啼鶻度半空。窓深香篆外。簾靜雨聲中。前日青衿子。今時白髮翁。商量一生事。碌碌世無功。

山居初夏

境僻俗賓絕。柴門何又關。新蕉夏庭冷。脩竹午窓閒。胸底曾無物。眼中唯有山。誰知真快樂。偏在讀書間。

賦得竹遐年友賀土井幹夫古稀壽

子猷栽竹曾有云。何可一日無此君。此君元有君子德。

號淇水

擔風曰後聯活翁遺響  
霞外曰超逸不群句亦高渾

霞外曰筆力精到無一句懈怠敬服敬服



擔風日嗚呼二語掉尾有力

擔風日似有寓意者

霞外日一幅狩野派畫景

綠影猗猗無俗紛。先生七十性好竹。種遍庭園又溪谷。不獨朝昏貪清風。採收定是勝嘉穀。渭川嶰谷或黃州。今日果有此盛不。嗚呼竹是遐年友。嗚呼人等千戶侯。

朱門

朱門午靜帚痕斜。賓客盈堂誰氏家。僕御貪眠馬隨意。嚙殘籬豆雨餘花。

黑宮楠窓華字壽言

居在佐屋別墅在町屋河畔

華齡鬢髮未成霜。矍鑠知君別有方。弟語李肝皆錦繡。婢言蘇腹總文章。千秋歷世家門貴。萬種栽花村巷香。佐屋風煙町屋月。塵緣疎處是仙鄉。

擔風日不著一字盡得風流

散策

枯楊流水抱人家。雁外染秋明。晚霞行過回笳三四步。暗香逆鼻木犀花。

田家

農急村村半掩扉。老人猶是在家稀。耕牛日課無成債。一路西風得意歸。

偶成

忘憂逸老送殘生。飯任人炊茶自烹。霜樹環檐讀書好。簾櫳靜處夕陽明。

殘菊

擔風日看淡中之味



東籬殘色尙芬芳。苔冷松寒三逕荒。廢物爲花爲再用。捧將破傘禦風霜。

閒居書適

寂寂寒鴉枯木。由由野鶴閒雲。意中師有賢聖。腹裏材無典墳。

題友人郊居

幽居常不掩門扉。三徑由來俗駕稀。天資詩資窓有畫。滿郊寒翠麥芽肥。

貴族院議員前衆議院議員木村律齋七十初度賦之寄賀

霞外曰田園實况

勇比仲由文子游。天資如此智囊優。家門富貴祖先遠。竹樹清疎茶室幽。議政辯才振兩院。減租功績潤全州。長生堪羨他無匹。七十年来慶幸稠。

三重縣農會長前衆議院議員天春篤齋古稀壽詞

遠祖勳勞鍋坂間。豐碑高築白雲關。千秋豪族產如海。幾樹老杉庭似山。議院先登初度選。農團常占上頭班。誰思君是懸車壽。矍鑠猶存少壯顏。

賀大賀嶂南米壽。令兄旭川先生八十八歲病歿。詩中故及



擔風曰前聯似宋人刻意處

自得優遊樂味清。更無一物意中橫。花埋書響簾櫳暖。  
楓染吟聲庭砌明。米壽凌兄添健壯。天杯照屋足光榮。  
當來別有安神處。溢出平生歡喜情。

雪夜護蘭

夜雪繽紛窓更幽。起移磁斗五更頭。自吟衰老護蘭意。  
得遇著花時候不。

未開牡丹

牡丹呈蕾立東風。却好春寒未吐紅。趙璧隋珠皆死物。  
吾家活玉綠玲瓏。

著色山水圖

擔風曰宛然袁隨園八十以後口吻

溪山綠翠筆縱橫。風趣逼真涼氣生。飛瀑恐驚人午夢。  
懸岸十丈落無聲。

買杖

購得一枝杖。吟行日日從。老來偏倚汝。莫化葛陂龍。

春晴

昨雨晴無跡。閒庭草色齊。蝶魂迷不去。花影畫欄西。

山閣晚望

一窓驟雨快然晴。滿眼風光暮色橫。殘日將春後山背。  
近村欲暗遠村明。

夏日鶴來庭樹

霞外曰筆力遒健

霞外曰清麗可玩  
擔風曰語近韻遠



仲山曰三四天來而善稱題意敬服敬服

仲山曰風調極佳  
擔風曰景語皆活

擔風曰渠渾十字意有曲折

丹頂素翎仙樣形。何來一啜樹梢停。寄言失鶴天隨子。  
不在秋江在夏庭。陸龜蒙失鶴詩。養汝由來歲月深。籠  
開不見意沈沈。想應只在秋江上。明  
月蘆花  
何處尋

首夏即興

非寒又非暑。最好夏初時。熟麥雲千頃。新荷水一陂。國  
安何避世。身老只耽詩。休問治春事。都皆醉不知。

雨中會秦氏宅分得樽字

夏至期將近。濛濛煙雨繁。渠渾吹蛙水。田綠插秧村。忘  
俗在文事。伴詩唯酒樽。農時漫貪醉。亦是祖先恩。

賀門脇蓑山六十一初度

華壽身安心快哉。唯知歡樂不知哀。五行並讀聰明眼。  
七步為吟卓越才。遠。膝兒孫。儁龍鳳。滿簾煙月好樓臺。  
家傳萬頃腹田在。廊廟曾無佩印來。

梅雨久

梅天容易奈難晴。此際絕無神氣清。濕透書堂書猶靜。  
雨痕如霧不為聲。

蜺

身小猶成江海遊。心情豈與蛤蜊侔。為嫌怪怪奇奇事。  
不吐空中蜃氣樓。

題遠翠樓詩鈔首

擔風曰小題大做  
體外曰似有寓意



教導雖忙心意閒。更無塵氣塞胸間。詩思一著吾輸去。  
遠翠當樓常伴山。

由來兩技叵能爲。兼有如斯皆絕奇。佐氏吟詩無害法。  
讓公說法不妨詩。

海樣詞源溢不殫。筆端平穩又波瀾。篇篇多是關風教。  
莫作尋常詩卷看。

憐他文墨世間人。綺靡淫哇漫競新。學宋師清果何訣。  
正聲全在寫天真。

賀丹羽介郎華甲

津市人以  
書籍爲業

藹藹浮佳氣。知歡不識患。名聲州郡外。生計簿書間。大

隱身栖市。若人心在山。前年杖鄉去。今日尙紅顏。

水仙花

花健能凌寒氣。頰黃冠素面綠衣新。前身何物君知否。  
定是程門立雪人。

遠山雪

大正六年  
一月勅題

版籍近來拓得頻。况逢無事泰平春。滿洲樺太山山雪。  
豐兆應慶新附民。

小川麥堂刻予印見惠賦此鳴謝

篆法刀痕兩妙哉。錦囊包得比瓊瑰。溪田二頃吾曾有。  
皓首何圖佩印來。



杏花

桃李未開梅作塵。趙村花信昨今新。獨追物外佳人跡。占領東風第二春。

藤花

垂垂花紫送殘春。緣木揚揚安一身。休道終生難獨立。世間多有似渠人。

東山途上

商戶酒樓新夾途。林郊次第化街衢。逢人將問南禪寺。一帶青松今欲無。

讀書有感

擔風曰寓規真切

擔風曰後半翻得有力

擔風曰湊合頗佳

北窓涼味午風初。古史繙來感有餘。衛鶴秦松長買笑。大夫爵位大夫車。

午睡

脩竹千竿繞舍栽。午風鴉軋筆門開。離騷讀罷曲肱臥。忽與美人通夢來。

鶴

霜翎丹頂轉鮮妍。誰識鳴聲遠聞天。万里江山歸版籍。春風送日一千年。

九月十五日偶成

此日葬亡妻

鐘韻三聲難耐聽。香爐煙濕佛燈青。老人不管葬埋事。



暮雨蕭蕭間誦經。

賀宮井某 尾鷲人 喜壽

老健如斯氣象雄。古稀增七樂融融。一生幸福賢兒鈺。幾世昌榮良產豐。夢穩芙蓉簾外雨。酒涼楊柳檻邊風。欽君身住街衢際。心在江山花月中。

賀前田博士六十一初度

一代名聲天下譁。齡迎華甲健彌加。不疑能入無為樂。豈再還來輪轉家。茶室夏涼浮竹氣。講帷春暖映梅花。現當幸福人皆羨。磊落如師何自誇。

戊午元日 大正七年

擔風曰前聯確切

擔風曰蘇軾題息軒詩云無事此靜坐一日當兩日則此老七十四年抵得他人百四十八年矣

隱士門頭少賀賓。屠蘇獨酌氣纔伸。佛恩皇澤深於海。七十四年無事人。

山村早春

峰巒冬去雪猶堆。寒逕人稀不見埃。稍覺山村春意動。東風冉冉解冰來。

盆梅

早梅領得一盆春。疎影即今花破脣。自笑山中老衰士。机邊日日伴佳人。

賀眞弓歡光周甲

薰陶能化俗。腹笥又多書。身健醫無用。才高世有譽。風。

擔風曰前聯卓爾不凡 霞外曰後聯穩秀結語亦收束得



太佳

梅莊遺稿

來移柳處。雨濺種花初。六十年成績。一鄉春藹如。

梅莊遺稿終

跋

父執梅莊翁者旭川先生上足也爲人謹厚自持不喜浮華其讀書概致力實學不事章句是故顯爲事業則周密切當特用心於義利之際發爲詞賦文章則多尙性情不必彫琢求工而自有足動人者矣嘗聞先生壯歲道旣通歸家余王父定聚師爲先人請講授開閣待之四近聞之行束脩者稍々來集是實爲先生家塾之濫觴翁時年甫十四結髮短袴挾卷來學日月無懈爾來五十餘年視先生如父有事輒服其勞曩先生之躋古稀壽也門人謀樹碑紀慶則翁自幹盪殆忘寢食將



刻旭川詩鈔第二編也會征露之師興人心不安先生  
遲疑未決則翁極口慫恿遂自任編輯校字之事幸獲  
不愆期先生既沒建墓於壽碑傍則復苦心參畫設防  
護之法而出入必展歲時必往祭如不堪眷々之情者  
嗚呼如翁其人可謂德有終始也歟翁平素信淨教晚  
年益傾心于西方虛已念佛無往而不自得焉前著梅  
莊詩鈔中往々見厥志蓋天分有高于人者也頃嗣元  
君將續刻遺稿余曾辱忘年之交乃叙翁所以異于尋  
常詩人雕蟲自喜者附卷尾大正九年庚申春日霞外  
道人華山大安拜題

十郎

白 扉 老 門 脇 任 賢

三重縣員辨郡梅戶井村大字梅戶八十六番屋敷

印 刷 所 有 朋 館

三重縣員辨郡梅戶井村大字梅戶五百六十九番地

11  
254



露光量違いの為重複撮影



大正九年六月十五日印刷  
大正九年六月二十日發行

梅莊遺稿正誤  
四丁表七行目士ハ言ノ誤リ  
十二丁裏三行目炎ノ下或ノ字ヲ脱ス  
奥付大正九年六月十五日印刷ハ大正九年六月廿五日印刷ノ誤リ  
全 大正九年六月二十日發行ハ大正九年六月三十日發行ノ誤リ  
全 非賣品ノ字及南大社ノ下ニ三十九番屋敷ノ字ヲ脱ス

清水成美嗣子

編輯兼發行者 清水元十郎

三重縣員辨郡大長村大字南大社

印刷者 門脇任賢


三重縣員辨郡梅戸井村大字梅戸八十六番屋敷

印刷所 有朋館

三重縣員辨郡梅戸井村大字梅戸五百六十九番地



露光量違いの為重複撮影



大正九年六月十五日印刷  
大正九年六月二十日發行

編輯兼發行者 清水成美嗣子  
清水元十郎

印刷者 門脇任賢

三重縣員辨郡梅戸井村大字梅戸八十六番屋敷

印刷所 有朋館

三重縣員辨郡梅戸井村大字梅戸五百六十九番地

梅莊遺稿正誤

四丁表七行目士ハ言ノ誤リ  
十二丁裏三行目次ノ下或ノ字ヲ脱ス  
奥付大正九年六月十五日印刷ハ大正九年六月廿五日印刷ノ誤リ  
全 大正九年六月二十日發行ハ大正九年六月三十日發行ノ誤リ  
全 非賣品ノ字及南大社ノ下ニ三十九番屋敷ノ字ヲ脱ス



11  
354



終

